

三

社

記

下





三社記下卷

湖上李笠翁評定

第十七齣

克成

山坡羊。旦上。影芡芡寒燈秋暮。悶恹恹家貧親祿稔。  
離離年饑不豐眼。迢迢望斷長安路。我兒夫貪遊觀。  
國都裙釵無計無計。藜藿具何處萍踪歸難期預。歛  
歛空教盼丈夫。支吾耳當侍舅姑。曾受蘋繁寄艱難。

只自磨年饑用不足。展轉其如何。我吳氏爲良人出  
遊年逢饑饉。堂上老親膝前幼子。數口之家。饑寒不  
免。這數時不見來音。想是去遠了。日下無措。厨中只  
有小麥數升。不免叫玉蘭磨來。以充午膳。玉蘭小旦  
上來了。

前腔 小旦 冷清清西風侵苧。韻悠悠寒蛩頻絮。景凄  
凄。衾生夜寒。色遑遑日月忙中去。覩流蘇塵飛彩亦  
無。菱花羞對。羞對孤鸞舞。團扇徒歌。葉舟空渡。踟躕。  
河間問鯉魚。懽娛。燈前見蟾蛛。見介大娘有何分付。

旦今日午膳將那些麥子磨粉篩下細者做餅與公  
婆充饑粗的我和你胡亂捱過再處小旦這粗的奴  
婢用得大娘怎生喫旦這般時年何在乎我  
香遍滿旦海陽多富萬壑約千腴少甚麼貧家苦皆  
要去受餒耽饑急切捱朝暮做不得唐家婦又不能  
相丈夫君子儒便做箇糟糠媳婦也不辱名家譜

前腔小旦家雖不足比下還有餘也有些庄家谷皆  
被那旱奪秋成難以完租賦致令得薪如桂束米粒  
似蚌中珠便做箇糟糠媳婦越顯得名家譜旦早去

辦來、公婆已上堂了、**外**夫上家貧親老遇年饑遊子  
 天涯猶未歸喜有閨中賢哲婦、諄諄教子奉庭幃、相  
 見介夫午間沒米、老負外、你何不將田產變易些錢  
 米救饑救饑省得媳婦女流何能取辦、**外**咳、安人媳  
 婦聽我道來、

**青歌兒****外**一任那年饑年饑不足、怎忍把箕裘裘

棄祖兒孫滿眼是車書、寧老溝渠且看何如、不久糧

輸縱是無餘也將數口支來暫時得相容與、**小旦**進

**膳上**常將有日思無日、莫待無時思有時、負外安人

請午膳夫呀家中還留得此貨有多少旦婆婆聽告

前腔旦正遇着囊空囊空無措只麥子數升數升為

哺夫難為你們了可還有下食麼旦咳數口充饑猶

不足那得下食餘但願兒夫早起歸途效取巢鳥庭

前做箇班衣舞也強似榮三釜夫小官學裏出來喫

沒有小旦喫去了夫你哩小旦大娘尚且喫麩問我

哩夫咳虧了你媳婦旦不要聽他

前腔夫你果是吾門吾門內助到做了賢哉賢哉孝

婦須信是糟糠不顧善事翁姑定省相呼竭力支吾

簷水無誣、願孫兒娶得妻來、一樣的還如汝、

前腔小旦真箇是奴家奴家主母、恰便似梁家梁家

荆布年荒、一共同甘苦、衣敝茹粗、妬意全無、黃裏襟

袿、推恩及吾、真是箇舉案齊眉的、那人兒光門戶、旦

啟上公婆、你兒去時、留下一劍、向不敢動、奈今衣飾

罄無、只得拿去押些錢米救急、不識可否、外這到使

得外難為、旦且

夫天外羈遊子、旦堂中老二親、

外最憐賢哲婦、小旦日夜受艱辛、



第十八齣

不貪

金縷歌

付未扮客背包上

付未淘金令

消踈滿眼寂

歷西風勁。鄉村物色。故國如初境。縷縷金歸心似箭。

筭前程。疾步行來競。排歌來路遠。背囊輕。今宵可叙

久違情。少不得今日到家。此間一所亭子。且憇息憇

息再走。坐介。我想當日窮困在家。妻兒怨悵。忿氣離

家。經今三載。賺得觔數銀子。一路恐防小人。不魯打

開看看。再有率口程兄。寄有家信。停會也要收與他。

趁此無人。不免檢出來罷。作開收信看銀介。財財。我

爲你受多少辛苦。今日纔是我的哩。內作嗽聲介付  
未慌作包起掉銀介。前面有人來了。年成不好收拾  
快走。來路遠。背囊輕。今宵可叙久違情。下 采扮捧劍

隨外上

前腔外 淘金令。天方乍冷。日短乘榆景。蕭蕭敗葉。風

舞荒郊徑。縷縷金。天邊不見雁來聲。那得平安信。排

歌舟响楫。馬嘶鈴。何人不動故園情。外 作拾銀包介

呀。何人失此包裹。這樣不仔細。此間也不少。開看介

四定十六塊。大約也有二十金。采好了。不消當劍。造



化造化。外看是何人的，等來還他。采這般年歲，拿來買些米喫，強如喫麥粳。外這狗才胡說。小外行上。

前腔

小外淘金令

天空漠漠，四野寒煙勝。鴉啼古木。

渡泊漁家艇。

縷縷金，今朝特到故人庭。爲送黃金鏡。

排歌千里信。一家縈，無人不慰別離情。呀，老翁在此。

外莊先生何來。

小外我從南京來，爲令郎帶有家報。

特來送上銀信請收。外重勞了，請到寒家少坐。付末

慌走上

不是路付末歲犯流星。失脫今番話不成，財和命相

連到此送殘生。到尋介外你慌慌張張尋甚麼。付末

哭介不相應。二公可見遺金影。白布斜包四錠零。外

因何而失。付末鄉書並開封檢出囊虛整。今早俄延

憇此亭。恁般不幸。恁般不幸。小外我們不曾看見。付

末大哥你若拾得。情愿均分。案那里有。付末咳。要這

般苦命怎的。不如死罷。外不要有多少銀子。付末十

八兩三錢。外這等是小事。一身就不值這些銀子。好

沒志氣。付末無銀子。見不得父母妻子。要這性命何

用。

紅納襖

外你且莫要淚潺湲怨氣騰。只叫您臉回春

神魄定。好一似渡延津劍重明。恰正是歸合浦珠復

爛。須信那五行絕又逢生。也應知出人心休嘆命。請

看這原物何曾動一星。付末呀老翁請分其半。采頁

外這也該。外甚麼話說我若愛此都拿去了。何事坐

待。決不要。付末不然任翁取些何如。外不必再說。小

外止介

前腔。小外你何必屢殷殷污所清。若貪的任哀哀誰

憐憫。這是箇冠鄉推耆老賓。不比那守錢人樸盈掙。

你須是携去璧好離秦。怎學得向前行不顧甌。好勸  
你急早歸家莫暫停。付末承教承教。這等老翁請上  
容我拜謝。外這也不勞。

東歐令。付末還所失。感非輕。大德靈臺湛自明。只願  
老貞外呵。童顏鶴髮從心慶。桂子蘭孫盛。公侯奕世  
耀門庭。隨處喜來迎。

前腔。外行要重。利須輕。勵志操持素所矜。豈圖不義  
傷廉性。暗昧明如鏡。人生枉自苦蠅營。得失信天生。  
前腔。小外言却正。事何清。誰似臨財不苟名。堪嗟逐

利迷難醒。造化皆前定。但存方寸地爲心。留與子孫耕。  
外天晚了、早些回去、莊先生請到小館作宿、還要領教、

付末

感君恩德重如山。小外誰把囊金慷慨還。

外千里遠勞傳雁信。合家盡是破愁顏。

第十九齣

無情

新水令。淨戎粧扮沙和尚上。淨半生無賴受僧磨。下  
場頭老來難過。西方何處是。東土薩摩訶。和尚頭陀。  
和尚頭陀。都是些無籍賴的僧人做。守盡禪林夜似。

年熬成筋骨不成眠、人生若不圖富貴、便作如來也、  
枉然、酒家好望骷髏骨串珠、人都叫我作沙和尚是  
也、生來虎胆、素抱熊才、遊遍乾坤、飽食法術、曾受冊  
於白猿、攝三界之萬靈、如同兒戲、亦談兵於黃石、統  
十方之億衆、恰似羊驅、常服胎丸、一餓便能三十日、  
要哈顱血、充饑也可一千年、莫嘆和尚惟有我、眼前  
皆是這般僧、今有白蓮大教主沈拜我爲帥、欲下山  
東等處爲家、且喜這些衆弟子入門者、皆願死而不  
願生、故努力已打破滕縣、你看這些擅越施主女菩



薩廣濟齋僧布道，好不快活。道猶未了，教主早上。

點絳脣

丑戎救扮教主上

丑政得人和

教門功大中

原坐眼見成窩。

堪咲黃巾懦。

相見介

淨

教主

時下兵

甲俱已完備，趁此殺向前去，早取徐州，絕其糧道，中

原不日定矣。

丑

禪師言之有理，衆頭目們何在，案扮

四人上

一入玄門了此生，此生免受關王苦，若能死

在玄門中，便是超乘太上祖，便是超乘太上祖，教主

禪師在上，弟子們叩頭。

丑

你們聽我法令，各帶本部

吏兵，隨我南奪徐州，不得有違。衆尊法旨。丑淨就此

起馬衆應介

昔天樂丑淨紙旗張威風大色可白金神佐蓮花教

蓮花教遍地嘍囉盡皈依鼓舞婆娑呀看紛紛入夥

雷霆律令科奉彌陀老君太上太上彌陀下中淨扮

和尚上和尚皆是和尚爲和三般兩樣也有成佛皈

僧也有作孽夙瘴惟我最合中庸專愛風流勾當齋

婆不離膝前尼姑常在心上出門撞着韋馱當頭喫

他一棒內云這箇恰不打死了中淨如來道我是箇

救急慈悲不比那殺人的和尚內喊介死活也不知



還要在這里賣皮嘴、今早被白蓮教趕急、師兄弟都  
走散了、也罷、有一箇徒孫、是我心上的、也不見了、只  
得向前尋去、內叫師父介呀、遠遠聽得甚麼人、叫師  
父、聲音甚嬌、莫非就是我那徒孫、不免等他一等、也  
說不得、小旦扮尼姑走上月下多相識、難中無一人、

中淨見小旦介呀、原來是白雲菴舊相知、小旦法覺  
和尚、賊人趕來甚緊、帶繫帶繫、中淨這樣離亂世界、  
自身也顧不得、還來帶你、小旦你也記情、中淨夫妻  
也顧不來、莫說我和你、小旦你若帶得我去、我和你

年齒相若、養髮就爲夫婦、何等不好。  
內喊介 中淨 如此揀你走罷。

朝天子 中淨 小旦 聽喧天鼓鑼、看煙塵土坡、怕回頭、  
胆喪心驚破、紛紛士女、望徐州渡河、子尋哀、妻啼坐。

內喊介 小旦 走不動、怎麼好。  
中淨 我背你走罷。  
背介

要老婆只得如此、綉鞋兒帶拖、錦裙兒襴磨。  
合 柰柰何柰何柰何、恐兵來殘生怎躲、殘生怎躲、奔前途。  
忙逃過、奔前途、忙逃過。  
衆上拿介 師祖饒命。  
丑淨 你這樣野和尚爲何耽着尼姑走。  
中淨 我這樣野和尚

不過經官問得箇和姦還俗、你這樣好和尚、依律就該凌剗處斬。丑淨 哇、你這騷尼姑、怎麼跟着和尚走、小旦 跟着和尚走、強如被你拿來賞軍、丑淨 啖介是哩、放他走罷。中淨 小旦 多謝了、和尚老子、丑淨 哇、叫官將吏兵、衆 有、丑淨 凡有出家人、不要拿他。

普天樂。丑淨 出家人、真難過、守禪關、青春挫、捱清晝、捱清晝、伴着松蘿、好良宵、斷送波羅、呀、看紛紛入夥、雷霆律令科、奉彌陀老君太上、太上彌陀。下 小丑 扮背包上、強盜要追命、冤家喫里牽、快些罷、賊兵到了、

占上脚痛得緊，等一等，早知逢亂苦，悔禁小金蓮。小  
丑冤孽，走來扶你罷。

朝天子小丑占苦生逢亂磨，恨強徒舞戈，把黎民當  
草如芻豢，屍橫枕籍，血流紅滿河，哭連天，聲哀歎。內

喊介占你背我走罷。小丑我是偷來的性命，脚支離

怎那，氣吁嘔難馱。後面趕到了，你不走莫怪了，夫妻

本是同林鳥，大限來時各自飛。下占我走了，我走了，

你畧等等，咳，這般狠心，就是強盜了，我還叫他怎的，

柰柰何柰何柰柰何。恐兵來殘生怎躲，殘生怎躲。奔

前途。忙逃過。奔前途。忙逃過。下丑爭衆上

普天樂丑淨仗祝融。屠成過。用蚩尤。屯營卧。貂裘暖。

貂裘暖。夜擁嬌娥。醉香醪。妓女酣歌。呀。看紛紛入夥。

雷霆律令科。奉彌陀老君太上。太上彌陀。下小生扮

客走上。不願黃金滿屋。只求性命還家。自家徽州客。

人。只爲白蓮教。甚是猖獗。夏鎮營生。貨財盡失。且喜。

帶得盤纏。望徐州逃去。再作道理。占內叫苦介呀。你。

看一箇婦人啼哭。踉蹌望我。這里奔來。且喜賊聲漸。

遠。待他來看。是何如。帶了他去。以續斷絃。有何不可。

占上在天比翼鳥、在地連理枝、人而不如物、須知急

難時、小生小娘子、後面殺來甚緊、爲何還是慢慢的

行、占脚痛行不上、小生丈夫何往、獨自逃難、占不要

講他、臨難苟免、悖義擯妻、君如不棄、願爲充房、脫離

虎口、小生娘子若無變意、小生久屬鰥居、願同回籍、

占指天爲誓、永無他念、君請勿疑、內喊介、旣如此、後

面喊聲又近了、捺你走、

朝天子、小生占想夫妻愛多、實天緣湊合、看鴛鴦比

翼能相斲、關關匹鳥、顧汀洲在河、鴈孤鳴、人遭禍、內



介占走不動、怎麼好、小生我背你走、任掀天海波、忍  
順流推舵、柰柰何、柰何柰何、恐兵來殘生怎躲、殘  
生怎躲、奔前途、忙逃過、奔前途、忙逃過、下

第二十齣 來退邪

縷縷金小丑遭劫難、棄渾家、中心焉割捨、賊交加、只  
爲相逢怕、一刀兩下、早知有命不丟他、悔殺被人罵、  
一時註誤、棄了妻子、今日孤孤恹恹、何門投奔、又不  
知他在那里、好不惱殺人也、

前腔 小生帶劍隨生上、橫寶劍、向天涯、仙機教自震、

任封蛇。揮斬經芒碭。劉邦何怕。妖魔不足以爲邪。凌

霄氣冲達。小丑老先生。忻忻然何往。生山東去。小丑

只怕還要望山西跑里。你看紛紛都是逃命來的。你

要去尋死。生。喚任他千軍萬馬。見我自燃開路。小丑

滕縣多少人。難道沒有幾箇說天話的。在乎你若不

信。那里又有人來問問何如。小生相公。不去罷。沒有

甚麼要緊。生。何妨。有我在。此只管跟着來。小丑請問

先生。可見一箇小脚兒的婦人麼。生。小脚的婦人也

多。曉得是那一箇。內喊介。小丑賊又來了。走哩。下小



生相公前路如此兇險、怎麼只是要去、生我曾受異  
人防身法術、護身靈符、我把你箇包在胸前、任他戈  
戟如林、不能傷體、小生元來有此、就與我帶了、帶符

介

香柳娘生向前途問鴉、向前途問鴉、天昏又夜、恓惶

舉目無煙舍、看逃亡淨家、看逃亡淨家、荒草謾生芽、

殲妖亂清野、內喊介聽金鼙亂搥、聽金鼙亂搥、群麼

黨邪、寨屯當垠、眾上捉生小生不得、呀、這兩箇漢子、

比我們手段還高、稟教主禪師、營外有兩箇漢子、拿

他不得。丑淨有這等事，待我出馬。見生介。咄。我來送  
你上路。生。啞。你那妖僧左道，聽我招諭。

前腔。生。正皇朝福嘉，正皇朝福嘉，威揚何大，肯容醜  
類尋機，鱗蚤飯依釋迦，蚤回頭道家，俛首散天花。長  
生尚能竊，莫興妖自誇，莫興妖自誇，天兵一抓，馬前  
流血。丑淨胡說，與生鬪介。我且問你，何人所差，往那  
里去。

前腔。生。迺天王所差，迺天王所差，泰山觀化，妖狐敢  
擋吾前，駕仗龍泉出匣，仗龍泉出匣，任你逞妖邪，吾

當試吾法策徐州主衙策徐州主衙平謀已奢看你  
南河怎跨淨對丑云既然他往泰山去的諒有些法  
術不能勝他捨與他去罷丑分付衆軍不要惹他讓  
他過去衆捨與你去淨對丑云他纔講南河怎跨一  
定有備且自退去再作區處分付三軍暫解旌節旗  
再聽好消息衆下

前腔生嘆無知井蛙嘆無知井蛙妄殘民社看屍橫  
草野情難救問天天可查問天天可查因甚喪如麻  
灾殃降來大盼前村路賒盼前村路賒煙飛霧斜人

逃空舍下

第二十一 斷私

金錢花生小生上生蕭疎一望堪傷堪傷風聲野哭  
兵殃兵殃前征岐路嘆亡羊煙火隔暮雲長何處宿  
夜蟾光一路來遭此亂後人家十無二三不覺失了  
程途怎麼好小生相公前面樹林裏犬吠想是有人  
家趨行幾步早去借宿生有月不必心慌到了元來  
是箇庄房敲門則箇小生開門開門末扮老人上  
前腔末樓頭月上蒼蒼蒼蒼籬邊犬吠汪汪汪汪夜

深誰箇叩山庄、開門見介原來是道長、請坐、忙動問、  
是何方、有甚事、到茅堂、生到泰山去、離亂迷途、借宿  
一宵、明早就行、望勿見拒、末不敢相瞞、我有女兒被  
妖怪迷了、一家徬徨、不便留宿、生既有妖怪、吾當爲  
汝除之、末道長爲吾除得此怪、舉家感戴、生你引我  
在何房裏、免他走了、末同生行指介、是此房內、生你  
且回避、末下、生作步罡掌訣、持劍介、丑內云、你是何  
方潑道、妄說胡行、惑我岳父、好好飛走、便罷、稍要遲  
延、必喪四體、生啾介、呵呵、你這孽狐、恁般無狀、速現

真形、食吾神劍。  
丑跳出介。咄。偏你有劍。我又無刀。對

殺介。

耍孩兒。生。城狐莫顯威靈壯。挺雙刀。臂逞螳螂。平生  
假虎有何強。合宵奔日。卧墳藏。只容尾大江無濟。豈  
許形更質。有常。幻眼處。成人樣。頂盡了。骷髏白骨。枉  
費了。拜月。食陽。闕介。丑。笑介。你笑我畜生。變人。強如  
而今人。變畜生。還有許多惡少年。要學我偷婆娘也。  
不能勾哩。

五煞。丑。臭黃蓋。是你潑道的糧。爛鵝毛。是你貧道的



警。芒鞋草履無縑綱。逢人太上通天法。遇鬼塵中就  
地央。央及他權饒放。只好去沿門乞食。敢與我對壘  
持鎗。鬪介

四煞生雄狐任發狂。綏綏在彼梁。迷人縱是風流相。  
閨中錯擲潘安果。壠畔羞分賈午香。孽畜真無狀。還  
只管搖唇掉舌。鼓尾妝腔。鬪介丑要走介。啐。你這妖  
狐。走往那里去。四圍金甲重守。插翅不能飛矣。速吐  
真丹。饒你一死。丑作慌介。雜扮金甲上行過介。

三煞丑與君家。素不妨。結何讐。用計傷。王家有女傾

城樣春山不画思張敞。舉案齊眉效孟光。親許諧鴛  
帳。經許久相偎匹鳥。心何忍折散鸞鳳也。罷放了我  
拿雙白壁來謝你。生只要吐丹誰要白壁。丑丹是我  
的持身寶寧死不丟。生喚介

二煞生今爲夢裏郎。空思陌上桑。從前做過今難放。  
徒教得寶陰中仗。縱使留丹劍下亡。你也曾鬼死因  
悲愴。只教你首丘不得。皮骨安將。鬪斬丑下介末小  
旦上呀元來是箇老狐精。衣服都是些草葉。請問老  
師。我們這里狐精也有。不曾這般利害。生你們不識



多年老煉、變化如神、末別的怕犬、我家這樣惡狗、他  
也不怕、生我有法術、尚闖這一回、何況犬乎、末占正  
是、多多勞動老師、待我女兒拜謝再生之恩、這到不  
消、小旦拜介、生請起、

一煞、小旦謝仙翁、有主張、斬妖狐、救我行、靈符廣濟

餘生仗、願君蚤證長生果、位列蓬萊上座郎、不日裏

蓮花帳、擁着你鸞駝鶴馭、曇蓋旛幢、末你去收拾夜

筵、必須齊整、小旦曉得、生我到不曾問得此狐、當初

如何遇起、末我同小女春上往土神廟燒香、惹他來

三生詩  
卷下  
的、生、這、都、自、家、不、是、鬼、神、無、處、不、有、你、若、誠、心、便、家、  
中、也、可、項、禮、况、閨、門、豈、可、出、者、皆、是、自、家、之、過、末、承、  
教、

尾煞生紅顏惹色端空門起禍場奉勸世人莫把閨  
門放還有那輕薄兒郎是真魍魎。

末舖筵設席款恩賓小旦炮鳳烹龍未盡殷、

生今日真能誅孽畜、末來朝好贈再生人、

第二十二齣 去染

霜天曉角占淡粧上占寒雲愁攪冷落知多少滿目

傷心江樹驚魂入夢江湖長相思怨悠悠悶悠悠恰  
似錢塘不斷流潮來猶轉頭髮經秋病經秋黃花開  
盡越山頭憔悴望江樓奴家被逐僑住桐廬孫郎縱  
然歸訪何處問津又見寒冬越添寂寞最恨人來絮  
聒媽媽夙夜難爲心病日生情即日遠好不苦殺人  
也

二郎神生朱顏老被心事病魔相絆倒鏡裏黃花難  
潤好淚眸不俊蹙鬢難抽望斷桐廬江上潮怨斜陽  
眼中衰草合寫無聊倚燠籠嬾把香燒黃昏辜惡心

前腔。占天高。無門控訴。安排自惱。最怕黃昏羣惡小。  
入門推病。何堪絮聒。心焦。獸炭紅爐空自熬。何日得  
臘終陽到。合寓無聊。倚燠籠嬾把香燒。小外扮其滄  
淨扮景升上。蕭蕭客路泊江干。亂葉迎風。水氣寒。欲  
破離情冷落色。樓頭有酒醉紅顏。淨其滄。小外景升  
有何話說。淨聞得下黃浦有箇名妓被逐在此。我和  
你到他家一醉。以舒客懷。小外莫非周文娟麼。淨正  
是。小生吾亦聞其名。既然在此。待我問來。朝內介請  
問嚴州搬來的周文娟家在那里所在。內前面垂楊

下就是小外多謝了。爭敢怕是這里同你竟進去。見  
占介請問賢哥。就是周文娟麼。占正是不知何事見  
過。  
啄木公子爭小外芳名遍。柰路遙。偶幸孤帆風所泊。  
逐胡麻。特訪桃源。問漁郎。得見波濤。願耳琵琶絃上  
調。切聽吳騷。板下裊。欲傍秦樓品鳳簫。合果丰標。千  
金買。喚敢惜杖頭挑。

前腔。占流言誤。賤女曹。鬢散堆鴉。紋皺腦。似霜凋。病  
倒芙蓉。若風殘折轉。芭蕉。怎逞風流。延所好。辱顧周

卽緣分少。况我巫山已夢遙。合謝英豪。鉛華久棄。請

看楚宮腰。争其滄。這等是推托了。小外吾友慕名而

來。不然唱飲一番。何如占有病在身。不能陪飲。請往

別家。容後領教。争怒介野話。這樣可惡。夫上相公甚

麼事。這等發怒。小生我們好意相訪。爲何推三阻四。

夫得罪得罪。相公請坐。臭了頭無禮。再不容他。小外

也罷。這媽兒說得好。且將就他。你女兒忒做模樣。夫

那了頭挂搭一箇孫相公。日夜想他。弄得鬼病懨懨。

不肯留客。其實可惱。望乞恕罪。争是那箇孫相公。夫



孫子真相公。淨。這是我們的社友。令愛既想着他。也是好意。我們到唐突了。到別家去罷。莫折並頭花。休分連理樹。此處不留人。更有留人處。淨。小外。下。夫。怒。介。了。不得了。不得。你這臭了頭。恁般無禮。走來跪在

這里。占。做甚麼要跪。夫。打介。你還強。占。跪。

嚙林鶯。夫。門前車馬聲漸悄。塵生几席寥寥。尚慊慊。鬼病良家調。鬢鬆兩髻。特故恁粧喬。身家孰靠。不思量。當筵歌喚。合。撒痴嬌。流光一瞬。誰念在中橋。占。中。橋。是。怎麼說。夫。這樣。反了頭。也不曉得。常言道。姐兒

後生時，叫做上橋貨。中年來就是橋中間的人了。你就去也。下橋來也是下橋了。占娘可知道。前腔占。既知不久人易老。猶然抵死相邀。生來不嫁終無了。堪憐死後白骨倩誰燒。蒼蠅泣吊。露荒郊。風吹陽暴。合撒痴嬌。流光一瞬。誰念在中橋。夫那有這  
樣事。趁少年積些銀子。老來就好結果。你思量那孫相公錯了。他是甚麼樣人。族林鶯。夫他是清風道。皓月騷。伴山林。入炁香。輕輕肯戀閒花草。青樓慣敲。朱顏慣撩。况他家有妻妾呵。

調琴弄瑟原同調。合莫神勞。那有情人一別，數載不通潮。

前腔。占只要心兒好。信自牢。非比小人儒。此乃君子交。初心已許，冰霜傲。天涯路遙。冥鴻影高。瑤池隔斷，無青鳥。合拚神勞。夢魂也見飛渡越江臯。下夫你

這丫頭還是這樣說。六兒又要死，他又不肯接客，不然叫我老人家還出醜不成。說不得，依我便罷。一日不依打一日，一年不依打一年。怕他走上天去了，正是

教子要讀書、

爲娼要接客、

惡化定有餘、

善化終不得、

第二十三齣

赴選

風入松慢

付末中淨巾服上

胸藏蘊畧惜時屯枉費

却雪火辛勤、驂騮蹀躞、鴛鴦進空、負了一經慈訓、只

爲家貧祿仕、勉當異路榮親、

付末小生孫雲、字兆韓、

中淨

小生孫章、字可達、

付末

兄弟、

我和你才雖上達、

時不我延、祖老親遊、家貧不逮、往年受祝、父母所舉、

日來又蒙特書相召、到京候選、我思量不去、恐失事、

機若去、家中無人侍奉、吾弟意下若何、中淨小弟愚見、還是要去、付末你就說箇去的道理、

忒忒令中淨親老家貧名未成、須早就、早圖祿分、况是機緣剛來、轉定乘此沐天恩、撫黎民、彰君惠、慰時貧、捧檄權報本、付末吾弟之言雖是、柰堂上呵、

前腔付末白首公婆日傍昏、遠遊嚴父無音問、慈顏盡日愁縈、閨闈一旦就離分、只恐怕室無人門、常倚冷清清、此去心何忍、中淨且待祖父母母親上堂來、意又作道理、付末吾弟所言極是、老親以上堂了、

臘梅花外夫旦上外夫有兒性癖天外隼。迴翔何處

岡千仞。螽羽喜說說。前程不問津。行看甲第拂聯雲。

我兒今日吉星。何不登道。付末中淨孫兒們猶豫未

定。父親未還。母氏難任。且公婆有年。耳旨誰賴。故此

未敢坦然。旦家中有我母支持。你兄弟早宜就選。專

聽捷音。不可遲疑。行李已齊備了。付末中淨既然如

此。孫兒只得拜辭而去。

園林好。付末中淨念只尺睽違。淨溫在。須臾雲山斷

魂。望順時加食安穩。休憶慮子和孫。休憶慮子和孫。



前腔外夫曾嬌養猶如掌珍。幾時去風煙問津逢逆旅。淒涼安頓。休憶慮故園親。休憶慮故園親。

江兒水旦江北天寒甚。山東路遠巡。燕京遙在天涯盡。荒郊野店眠當慎。程途莫趕休勞頓。拚力加食尤緊。合看取任選何方。早報平安書信。

前腔付末中淨兒去相憐影。娘家免挂心。劬勞盡瘁星驚髻。期酬此舉沾天潤。少圖寸草心猶愍。累受踰年饑饉。合看取任選何方。早報平安書信。

川撥棹外夫情何忍。爲功名骨肉分。又不知得遇你

嚴親又不知得遇你嚴親。何日同歸一室春。合摠相逢若路人。倘相逢問得真。

前腔旦爾父雲山迥。自歸來莫費神。且拏力運展經綸。且拏力運展經綸。會合由天未可尋。合摠相逢若路人。倘相逢問得真。

尾聲付末中爭臨岐拜別言難盡。但願高堂善保身。從此門閭日日新。

外長途遇便報平安。夫省得家中日倚看。

付末兩袖襴褸堪掩淚。衆淚從心出掩難乾。

第二十四齣 從東

八聲甘州小生持劍隨生上生登封門外見青青麥  
野雉鳩相待。和風吹煦。望中如畫難排。小丑這扁上  
寫更衣亭。生更衣此去天上來。高老橋前左右崖。合  
妙哉。水簾洞萬斛珠筵。小生此間摩空一綫窈杳之  
路。從兩山而上。甚是奇特。不知是甚麼所在。生過了  
水簾洞。這邊莫非就是馬棚崖。這嶺料是迴馬嶺了。  
且上去尋箇道者鄉導。而問你可取水在硯中伺候。  
小生曉得。作上嶺介。雜扮僧童吹打上介。相公。我們

足僧童擊筑彈箏、以供遊人之樂。生這到不消、能言者煩得一位、導路指名、我當重賞。衆推丑介、你會講些、引相公去。衆下。丑引生介。生此是回馬嶺麼。丑正是、登此山巔、便望見三天門了。生作上望介呀、原來寧陽道上、望見者卽此也。

前腔。生危然突見黃峴崖、似馮風高御、屬目仙垓。丑那正岳外郭、過此西行、上而復下者、三地平濶、三里其名曰快活三也。生易曰、无平不陂、無往不復、我想泰山如此峻嶒、也有如此平地、不由不快活也、雲霄

峰望鷹隼亦難飛邁。此泉清甚。水石相聲。這是甚麼

所在。丑相公。此下正是穴中。聖天窻者。乃二天門了。

過了此門。宋真宗所封御帳在焉。秦始皇所封五大

夫松亦在此處。萬尋鉄嶂。虛上排千層峭壁。懸中界。

合妙哉。大夫松。綉蓋張開。丑前面百尺崖。崖出而為

朝陽洞也。生春才取筆來。你將鐵鑿鑿平一處待我

留記。小生鑿作介。生作題介。客神真神真。人賦

不是路。生百尺試摩崖。拂霧揮雲石髮揩。與次曾齊

名。不在臨行一諾來。山鳴喀一聲長嘯壑如雷。換芒

三上已  
卷下  
三五

鞋三天已至雲端外。文石鱗鱗貝闕開。莫疑猜。原來

是碧霞宮觀天孫在。且自進前參拜。進前參拜。拜介

末扮道士上。日無翼勢趨炎客。時有駮鸞馭鶴人。相

公稽首。生道長恕罪。丑我今告退。叫這道士老官相

引。備細可詳。生春才取些禮送他。小生應取送丑介

丑謝賞了。正是不覽名山者。胡為有道人。下末相公

貴地何來。宋真宗兩性喻。舞臺。秦誠皇。世。持。五大

解三醒。生自江南遠遊宗岱家。白岳世傍仙台。為生

平獨冷功名海。波臣愛山靈債。因此上囊琴負劍向



東來。選勝尋幽展壯懷。情難賣。情難賣。做一箇在家。

求道心通泰。末原來是勘世的君子。失敬失敬。生望

道長宣遊曉勝。自當酬謝。末當得奉陪。我和你從北

上朝青帝宮。凭三觀而觀三處。極爲玄覽。生望一一

指教。生領命。作登行介

前腔。生碧峪藍拖。麗日難高曬。雪積渾然。滯翠岬。這

幽陰。便是深山寒。不解蒼筠篠。紫莓苔。想無曆山中。

鳥啣春送來。看殘梅。看殘梅。問青帝。甚日重開。末此

正是青帝宮。生進拜介。末同登椅介。此是三觀。秦觀

以望長安。周觀以望維陽。越觀以望吳門練也。生妙哉。妙哉。

二犯降黃龍。生望長安雲冉冉。望長安雲冉冉。只見洛陽城關粟粒排。吳門拖練白。吳門拖練白。恰如卮水淨。晶晶微茫有誰繪色。末轉後看泰山銘字大如

掌。其下卽唐磨碑。其上燕許公東封頌也。生你看東

封頌。唐磨嵯。東封頌。唐磨嵯。鳳翥龍蟠名流萬世哉。

又行介。末過此孔子崖。復升玉皇殿。便是岳頂了。其

石巨而最奇者。惟此與朝陽洞也。

三犯降黃龍生可羨石奇文尚綵。可羨石奇文尚綵。

但見魑魍魎遊龍踞虎簇簇不足幻點形骸塵世

蓬萊誰肯逃情撇愛。筭幾箇知機出世的高才。內作

羅聲介生這是甚麼响。末此乃風從捨身崖靈巖鼓

其虬核而作聲如此。生却原來檀木送風如亂金兵

敗只見峯峰岫岫看不盡無邊景。看不盡無邊景

。看不盡無邊景。末可進拜玉皇大帝。生進拜介。末相公請登殿前

磐石上可以觀盡天下矣。作登看介。生那東上一朶

白雲覆其下。非煙非霧隱隱蕩蕩是麼所在。末那就

是大海生這等那西南上如縷如帛乍明乍滅者是

何所末那是汶沆諸水也生那或大或小如拱如伏

高聳低塌者甚麼山末那是徂徠龜蒙鳧嶧諸山

四犯黃龍滾生無窮極目浪說天台須彌世界望中

消息許誰猜。太極何尋生氣來。不盡無邊景畧。不盡

無邊景畧。末那頂前立石如圭卽秦之無字碑也。請

下轉其殿後。眺桃花洞。丈人峰。黃華洞。仙人石。皆在

月中矣。生粗文玉質碑自秦埋作下轉行立看介桃

花擁洞。丈人峰起碍雲排。碍雲排。玉女黃華洞裏來。

不盡無邊境界。不盡無邊境界。末那隱隱約約杳渺

不現者。是仙人石間。這左右二峰輔岳頂者。乃日月

二觀。生參差石宅。指說仙齋峰。成日月轉輪。何處是

生涯。末東可望日本。西可俯河源。生是生涯。黃河之

水。天上來。不盡無邊景。不盡無邊景。末天色已

晚。陪相公在日觀中宿罷。生正欲觀其日出。此宿得

地矣。末來朝看日出後。陪相公再往靈巖一觀。以見

岱岳之陰。

尾聲。生岱陰未盡遊觀。載來朝猶望指迷塔。不覺的

三上已  
卷下  
天

意爽神怡快。未盡盡購。輝來。陳餘。聖許。遊。皆。不。覺。隨。

至欲小天下。今來登泰山。

何時遍五岳。共作一躋攀。

第二十五齣 附慰

十二時付末中淨冠帶上付末若被微官縛非干祿。

為沾恩反哺中淨愧未三邊尤難七步韜畧思繩武。

一封書且慰高堂祖母付末一別家鄉歲已殘恩同。

東野受東官中淨男兒未得冲霄展海外先看波上。

瀾付末孫雲同弟孫章去年到京今喜俱選蒙聖恩。



授我廣東叅軍、吾弟惠海總司、限期尚遠、今有吏部  
承差劉兄、徽寧公務、托他寄書寄書、怎麼還不見來、  
中淨諒以就到、小廝伺候、**采曉得付末**兄弟、我想既  
受朝廷恩命、合當恰守封土、不得效尋父之壽昌、  
做爲親之毛義、良可嘆哉、良可嘆哉、我想父親呵、

桂枝香

**付末**

鶯啼春樹、花飛驛路、遊踪踏遍塵寰、煙

水茫茫何處、相逢未知、相逢未知、矧我無由尋遇、他  
鄉愁緒、揔歛歎、枕上驚蝴蝶、窻前叫鷓鴣、**中淨**我想

父親呵、

前腔中淨性耽詩賦。心懷岳瀆。奚囊謾自相依。謝屐

應丟無數。雖然尚遊。雖然尚遊。當記棗榆景暮。風塵

勞碌。好歸歟。只望函關氣看雲。思故廬。末扮承差上

揮鞭一指江南去。投刺重封冀北歸。約定孫兆韓帶

家書來。此就是他下處。衆見家主拱候已久。請進。相

見介。付末閣下幾時起馬。末隨卽就行了。付末這等

不能爲情。薄具贖儀。惟冀叱納。末卻之不恭。受之有

愧了。付末豈敢。此書煩帶舍下。離城三十里。地名草

市。望付家祖孫竹墩收啟。門樓土有草市高栖。郊箇

字

四邊靜

付末中淨

憑君迢遞傳音去。委曲函中具。君

命不能違。欽期那可悞。

合

公文簿屬。郵亭遞駐。失落

恐浮沉。留心望持護。

前腔末

迢迢路遠三千許。况復多風雨。既受萬金書。

自當星夜去。

合

公文簿屬。郵亭遞註。失落恐浮沉。留

心自持護。

付末

一紙音書出帝京。

末

南來有雁到徽城。

中淨

只因守地尊君命。

煩慰高堂見子情。

第二十六齣 向中

丑扮和尚上。曉起敲鐘撞鼓，燒香轉過廊廡，一脚踹扁落蘇。只道是箇老鼠，皆因自己疑心，覺得冤冤叫苦。急急口念經文，度他超生淨土。誰知法華無靈，滿耳皆聞鬼語。道我無故害生，必須索命填補。徒弟掌燈一看，幾乎喫殺老祖。世人莫起偏心，神鬼自然無忤。若動一毫私中，作事自然成蠱。小僧乃嵩山法王寺知客是也。師父陪陳登封，同孫相公遊少林寺去了。分付整酒伺候。餞孫相公去遊南岳。酒席已有，還

不見來待我到山門外望一望呀，那像是他們來了，  
外扮和尚隨末生便服上。生：學生孫子真是也，學生  
陳登封是也，小僧西來是也。衆

步步嬌：靨靨青雲山腰滿，袖起如殘毯。嵩門峭立巖  
檜栢天叅。五乳峰傍陷一洞，出寒嵐。火龍住後禪師

探。丑迎介：孫相公，中岳之遊樂乎，請教其大槩。生大  
都多是巖石相須，翠蒼相映，峭壁環崖而立，如芙蓉  
城列抱上太室耳。丑一言盡勝，可謂善遊者矣。末取

酒來，敬酒介。生何不取栢木瘦注酒。丑已有在酒內

生如此妙外分付僧童動樂

畫眉序末酒美木瘦耳勝地何妨磬如鑿有幾人遊  
遍五岳銘巘天何廣一腹收藏泉甚淨雙眸凝蘸合  
智人另有奇宗看詩家老揀醉沉酣

前腔生癖性喜松杉八九年來味嘗淡看雲蹤霧迹  
不禁盞鹹榴花艷大火西流荷葉盛微霜朝慘合智  
人另有奇宗看詩家老揀醉沉酣

前腔外石沼紫蓮繁八月秋中菡生菡看崖懸雪瀑  
石擁雲攢空五蘊釋道仙根盡一念虛靈光湛合智



人另有奇宗看。詩家老揀醉沉酣。

末子真先生北岳恒山余所未到請教其畧

滴溜子生關西去關西去暨山木攬觀其廟觀其廟  
威諸稍減飛石兩崖廟嵌盧龍及太行邯鄲勝覽諸  
塞先秋白草酣。

鮑老催生黃河西瞰水堅秋月人行站五臺雪積炎  
猶礪遡龍塞外來綿遐纜見說恒山北岳還雙勛曲  
陽亦可稱奇覽這渾源言非賺。

雙聲子末外君明透君明透將世態都叅勘山遊遍

山遊遍。窮宇宙。開心坎。塵揮撇。塵揮撇。眼界寬。眼界寬。寬。筭人間俊客。世上奇男。生明日要往南岳。不知何時再得聚首。

餘文眾明朝還就衡山看。有酒須教會際酬。便是雲水相逢也未盡歡。

未同君今夜宿禪菴。生剪燭分題登上巖。

外思到塗山應化石。丑未知還可會河南。

第二十七齣 得安

二犯傍粧臺。外夫上老眼不禁秋。黃花滿地。不插老

人頭庭前桂。都吐馥。堂背草。自忘憂。不見封章蚤沐。  
皇恩寵。那得匹馬宵征子倦遊。  
**合門前桃柳。經時且**  
休望中何處覓歸舟。

前腔。旦小旦上。沉吟沒處寄深愁。蝦鬚不捲。嬾上最

高樓。霜露侵盈草木。風雨洒滿汀洲。只見茱萸報道

驚重九。又看芙蓉相期耐季秋。  
**合門前桃柳。經時且**

休望中何處覓歸舟。今日重陽佳節。媳婦備有黃酒。

聊作稱觴。外夫生受你。旦進酒介。末扮承差騎馬上。

不是路末。北發南遊。已至孫家草市頭。溪山秀。只見

森森喬木舊門樓。朝內問介請問孫竹墩。負外是那

一家。內應介上街頭。大門額上題着草市高栖裏面

就是。末多謝了。按驂騮。離鞍暫繫門前柳。直望槐榆

蔭道周。外有人來。你們迴避。夫旦小旦下。外尊駕貴

幹。末老先生莫非是竹墩翁麼。外老夫就是。末恭喜

老負外。二位令孫俱已高選。有書奉報。齊除授廣東

叅府海隅守。期限相寬且暫留。附書問候。附書問候。

外遠來勞動了。請坐。末不消。不佞往祁門到安慶公

幹。不得少停。告別了。末這等多慢了。末豈敢請了人

間方便處。何事不通情。上馬下夫旦小旦上作恭喜  
介外看書介且喜正在望中得此佳報聊慰一家之  
念

急板令外見書來。懽生兩眸。聞美選官爲二州。雲仍

翼謀。雲仍翼謀。半職榮親。不必王侯。一子居官。不事

田疇。合拿酒來。今日裏節值陽秋。聞喜報。罄磁甌。

前腔天我孩兒。何方逗遛。竟不念。崦嵫強留。晨昏定

眸。晨昏定眸。盼斷衡陽。使我心憂。不是孫兒。怎展眉

頭。合今日裏節值陽秋。聞喜報。罄磁甌。

前腔旦嘆良人心。堅道遊放其情。飄蓬逐流。何方問

由。何方問由。占盡龜耆。卜遍籤籌。秀發孫枝。畧放心

頭。合今日裏。節值陽秋。聞喜報。罄磁甌。

前腔小旦冷屏帷。風生翠樓。剩床衾。香空碧篝。吟成

白頭。吟成白頭。寄與文園。路遠難投。縱有青鸞。沒處

相求。合今日裏。節值陽秋。聞喜報。罄磁甌。

旦尊酒敬雙親、  
外登高費遠神、

夫大都渾是客、  
小旦小結揔成人、

第二十八齣

豆西



生上且喜遊了東岳就徃北岳回來又遊了中岳以後乘便到了洞庭只見浩浩蕩蕩水光接天好一派光景也及到南岳雖有七十二峰皆爲丘壘惟祝融圓雁高插天中甚是快目如今又到西岳來了小生同衆扮馱夫上相公沒有馬是箇馱兒生上馱介

**新水令**生一鞭秋色帶朝霞望西山宿雲猶跨綉巒如組錦。藍壁似堆花紫翠重疊描不上真龍至地靈

**結**。幸望慈高堂白髮憂眠良自不曾割良想生上

**駐馬聽**生年少矜誇五岳恁禁心上抓恐成虛話因

此土子平難畢兒女家。棹舟回首問天涯。據鞍屈指  
神牽望。想高堂白髮。夢魂兒自不曾隨身歇。  
下中淨

扮孫登。上只尺蓬萊一念親。好教塵世度迷津。酒家

孫登是也。原許西岳與子真一會。且喜他五岳之愿

可完。指引歸真。早趨覺路。不免遣些鬼怪蛇虎。試他

道念何如。只是海外五岳。他怎麼到得。我只教他一

念靜中忘世界。何須海外去朝天。下

案扮鬼上舞生小生同上生一時間煙霧騰騰。有甚

妖怪。小生鬼來了。生拿劍來。持劍介。煙霧騰騰。忽不

開何方鬼怪作妖灾、俺自有降魔捉鬼青萍劍、那怕  
你通天伎倆一齊來、鬪介鬼下、小生相公、鬼都走了、  
生往岳廟去、行介

喬牌兒生我謁過了西岳衙、遍觀那藥師碣、經古長  
城穴、頽垣下、玉泉院、醉卧希夷者、

攬箏琶生俺只見兩山嶂、來一澗兒狹、早來到桃林

坪、幽峽、誆殺人、絕壁、蚕叢、刻開了、羊途、鳥節、小丑扮

道士持骷髏上、相公、請賞、這是陳搏先生頭骨、羽化  
在此、故名希夷、生嘆介、有幾文錢、你拿去、小丑謝

賞了。下生我想蟬蛻尚不顧。而先生亦豈戀此哉。想先生似褪殼金蛇。那里管殘苴。更可喫珠襦藏玉押。與狐兔爲家。呀陰翳交加。綠青圍幄。好一箇清幽道院也。

鴈兒落生若說是箇塵寰羽士家。任便有摩詰難描畫。若不是秋來開盡花。恰悞入煉藥丹丘舍。末扮老道士上。堦前無別草。丹藥伴芝蘭。五色祥雲起。客星昨夜干。呀。元來一位相公光顧。請鶴軒待茶。

得勝令生俺則見全真老貌如花。披羽撒束玄麻口。

含丹頭噴雪。打泥丸氣珠接。熬得箇情絕。受用些精  
血。養就了丹砂。消磨了歲月。見禮坐介末茶來丑上

一鍾秋露白。半盃夕陽紅。晝倦無情思。凭軒弄狡童。

末這是甚麼說話。丑師祖不須呼咄。此亦本來面目。

若不做些人情。恐怕老死暴露。生這是怎麼說。丑老

來發了臀風。恨殺當初推故相公。若肯喫齋。先獻這

作豆腐。末唬。胡說。丑作送茶收盃介末相公仙鄉何

處。今從何來。

喬木杳。生俺自來西越。丑若是西越。正是踢豆腐的

所在哩。末多講。生遍五岳寶山謁。這清幽名何也。煩  
一位徒步的老山家。導俺這箇慕遊的老騷者。末相  
公欲遊何所。這叫做青柯坪。

慶東原。生要登那太華巔。縱覽中洲大名。聞千尺撞  
險無涯。百尺峽懸崖絕。末既聞其險。何乃切乎。生已  
許我中原迹似麻。山林情趣賒。四海卽爲家。曾與那  
山靈盟結。到有十年神接。末相公可遊了幾岳。  
落梅風生也。曾登泰山極也。曾登高岳絕。回雁前頭  
祝融峰上躡。走沙塞兩恒山朝了北關。怎便的這西



華呵。難道是不終而歇。

**末**這等卽着小徒孫相陪，老

道備晚齋相候。**生**承愛請自方便。**末**有十分險峻處

不去也罷。**生**領教。**丑**相公，你看這樣通天峭壁，是甚

麼要緊。去他怎的。**生**難道沒有人去，要此鐵練何用。

**丑**我們上去得的，不上一二人而已。**生**只管上去，不

要推阻，這鐵練麻組以上甚麼所在。**丑**千尺撞過去

就是百尺峽，二仙送了。**丑**相公，我先上去扯你。**丑**先

立椅上作扯生介

**聒水令****生**常言道不易登天，尋常指日猶難步月。我

今來、嶮、岫、恰、便、似、穿、雲、又、像、捫、星、何、異、披、霞、俺、正、是、  
箇、博、望、乘、槎、一虎挑上撲生介丑小生作怕介呀、這、  
樣、所、在、有、虎、分、明、是、死、路、了、生不、要、慌、取、劍、來、到、此、  
地、步、不、得、不、用、法、了、執劍斬介

慶、宣、和、生任、山、君、撲、蹄、爪、如、鐵、任、嘯、威、巖、崩、裂、怎、當、  
我、舞、龍、泉、雄、心、兒、熱、那、怕、你、恁、猖、獗、趕下小、生、不、趕

罷、丑、呀、好、怕、人、虧、了、你、相、公、那、虎、拖、尾、直、跑、小生他、  
那、口、降、魔、劍、妖、精、也、怕、何、況、虎、哉、我、和、你、跟、去、看、看、  
丑、這、等、待、我、放、心、同、你、去、同下生、趕、虎、上、虎、跳、下、介、

生呀、那虎嘯風生、就不見了、作蛇上向生介生呀、你

看無數鱗蛇、大如梁柱、好生利害、且將辟毒氣法演

來、斬了此蛇、以除後害丑小生上又有大蛇、怎麼好

落梅風生這非是入蜀、蚕鳧峽、誰許你攔遊客、你只

好去、梁王殿、煽孽、弄寄奴去、廬洲林裏、搗藥帖、撞漢

高一、刀兩截、呀、你看那蛇吐霧而飛、又不見了、中淨

扮孫登上坐介生那嶺上懸巖之下、一位道者、跣趺

而坐、好像我那酒樓遇着的師父一般、是了、他曾說

西華猶有會期、今日果然了、你看他在那里呵、

沉醉東風生貌儼然超塵運化。食無煙燬露食霞虛。  
飄飄氣存神明朗朗心無罣。將毒龍降魔虎兒跨。這  
的却四大無爲般若不遮方纔得永砂澆洽。不免待  
我上此石臺原來有字叫做雲臺石上嶺去見師父  
者見中爭拜介師父徒弟稽首中爭子真你來了好  
我如今正往海外去來得湊巧生弟子且喜遊了中  
洲五岳柰海外五岳不能隨去其如家中父母何未  
你旣塵緣未斷早早回去見你父母妻子至桐廬脫  
去周姬以了塵念再來度你俺卽去也生幾時再得

相會麼師父、跪下介內你到家時、我再見你、下生你  
看這樣天高的峰石、飛身而上、真是神仙、悔不能相  
隨也、春才下山去、早些收拾回家、以慰一家之望、丑  
相公、我去了、生微意奉謝、丑不消也罷謝了、下

喬牌兒、生俺乃有緣逢道家、遇安期長生話、無緣海  
外驂仙駕、急忙中失却雜還、同下

第二十九齣 返驗

耳州歌、小外騎馬上、丑扮家人中、淨扮馬夫、同上、小  
外中原心動、策長鞭、匹馬遠駕秋風、怡神豁目、點染

林臯環拱。天高鷹隼翔雲矯。波淨鯤鯨逆水溶。學生  
孫浪爲藝遊訪中原。躄癖敢安盈尺。我想太史公楊  
雄邵子之輩。以遊爲學。信矣不誣。今來山東界上。正  
是暮秋天氣好。光景也。合村沽店。選佛宮。神旛酒旆  
亂招風。茅拖碧。葉染紅。烏鴉白鷺立蒼松。下小丑小

生隨生上

前腔生歸途匆冗。柰山川景物爭入詩筒。羽飛鱗躍。  
摠堪適興陶衷。煙雲吐納爲虛夢。少壯須臾成老翁。  
合村沽店。選佛宮。神旛酒旆亂招風。茅拖碧。葉染紅。



烏鴉白鷺立蒼松。遠遠看見像是其滄弟來了。且住  
了馬。小外茅地碧。葉染紅。烏鴉白鷺立蒼松。呀。子真  
兄何來。下馬介就在路傍亭上。少叙片時。生賢弟何  
往。

皂羅袍。小外只爲風吟月弄。慕前賢往哲舊迹遺風。  
不期客路得相逢。就遊任俠名何重。吾兄真高士也。  
小第志所不及。切慕而已。請問此圃。何處還耽閣否。  
生嚴陵有箇姊妹。精於彈唱。甚是多情。曾許捐金爲  
贖。柰別來聞他被逐。不知安身何地。要去尋訪。餘者

三前記 卷一  
急促不得少停。小外盛寵莫非周文娟乎。生吾弟何以知之。小外小第同潘景升舟泊桐廬。聞得有箇搬來名姬。叫做周文娟。所以同去訪他。只見曲欄隱閉。穿簾路通。杜門謝客。捐脂損容。元來却是多情種。此時見他不留。景升發怒。後來曉得是吾兄相知。到別家去了。生曾有仙人說在桐廬。如今果應其言。

前腔。生須信人生如夢。便未來過去。夢裏應通。果然偏得兩情濃。追思不枉雙臺重。當年一見。其情甚鍾。別來被逐。何方見容。於今始得真傳誦。小外途次不

能爲情容歸來請教生亦不得盡情了

小外

堪羨君家氣槩雄

生

丈夫志不與凡同

小外

榮華富貴天生定

生

堪嘆牢牢苦累胸

### 第三十齣

心許

來

且

且

且

夫扮媽上床上黃金留不得從來壯士無顏色家門  
一旦冷如冰不信婢娟誤人國周大媽爲何道此只  
因世住嚴陵久擔風月先年雖日稱心不能如願嗣  
後討得周二這丫頭才貌頗美車馬填門積有千金  
足充一世不想他罌搭孫郎冷落生意如今害殺相

思弄得形狀一發不像箇人了。服藥無効。求神不靈。不知死活何如。近日來更不幸六兒一死。被些光棍坑得囊篋罄空。倘這丫頭再死。就是我這付老骨頭。無所賣處。憑你們說。叫我老娘如何過得。這箇甚麼孫相公又不來。要來也作順水推船。抵還前債。與他去罷。且叫碧春扶他出來見見日頭。問他心裏而今待怎麼。再作一處。叫介小丑扶占病上。

金蕉葉。占心傷氣傷。恨薄情山盟頓忘。想着你立心不常。害得我殘軀定喪。殘軀定喪。夫我兒病體今日

何如。占不消問。多者要死。夫不要說我。今日蔡家有  
人在這里。道孫相公來了。是我卽寄信與他。若是真  
心念你。少不得來。你且放心着。占怕沒有這話。夫果  
然我不騙你。

番山虎。占聞信轉思量。可惜章臺非舊麗。淚哭流乾。

待他驗取榴裙上。烏啼魂也落。猿哀心自傷。陽臺夢

杳。藍橋路忘。雙臺人爽約。多應是薄倖郎。縱使從天

降。知他甚肚腸。合惜玉憐香。惜玉憐香。怎肯相偎病

軀。

前腔夫兒家不諒。自取灾殃。緊記他虛情賺。痴心日

夜望。弄得人中鬼。病成膏與盲。男子欺心廣。婦人水

性狂。空自悲。枉自傷。我也曾忠言勸。而今甚主張。合

惜玉憐香。惜玉憐香。怎肯相假病軀。占寧使他負我。

不可我負他。如事不諧。有死而已。夫你這痴丫頭。怎

麼好。若死了。可不坑陷我。占坑陷你怎的。自來所賺

銀子。斷送我也勾。媽媽說這樣沒天理的話。夫不要

焦燥。等得孫相公來。將你送與他去。憑他怎麼斷送

你就是。生小生同上。生剡雪。非乘興。桃源爲訪。情聞



得周姬在桐廬春才問看。小生問介嚴州搬來周家  
住在那里。內應前面垂楊下就是。生這里就是不免  
竟進去。夫見介孫相公你這樣好人坑得我女兒將  
死許多年信也不寄一封來安慰安慰。占見不做聲  
隱几卧介生二娘我來了。怎麼無言復寢莫不是惱  
我麼。

前腔占未見時千思萬想及相逢無言可講若識我  
別後受淒涼試想我初逢何色相見愈徬徨想後思  
前都如夢一場合拜覆韋郎拜覆韋郎再世和鳴鳳

鳳

前腔生都只爲雲山阻障都只爲煙波渺茫害得你  
付朝昏魂飛魄蕩害得你俏形骸殘荷瘦楊我那里  
憶王嬙你這里思張敞冬風曉霜春溫夏涼空教人  
兩下相思山高共水長合拜覆蘇娘拜覆蘇娘終作  
和鳴鳳凰占閒話且住惟問相公踐盟之事何如一  
言永訣生再作滴量且自保重夫相公不是這樣說  
我這丫頭爲你萬死一生今日得見還講這樣寬脾  
話兒老身有言在先等得你來送與你去生當初送

我也見情。如今要這死人何用。夫要死也是爲你。况他見你不死也不可。知生媽媽你果是真心就死我也帶了他去。你借我的銀了都送你罷。春才叫舡小生應

尾聲夫我一生家計都相讓。我兒你到了就神前一炷香。只是我到老終無結果場。小生引舡上介相公東風正順快請登舟。作扶占別介生這般模樣多分難救了。夫相公你是箇魔王也可致病也可醫病。文娟我兒怎麼捨得你去。你若好了有東西寄些與我

夫 趣風蚤上嫁夫舟 只爲冤家不自由、

生 但願沉痾不日起、  
小生 方纔了却那心頭、

第三十一齣 方舟

北新水令 爭未送小外上 爭看東風正起富春山爲

遊人幾番長嘆 未送元達今朝搖返棹 想子真何處

挂征帆 合離合悲歡 嘆兒女英雄氣短 小生上一貴

一賤交情乃見一死一生乃見交情我相公拜土列

位相公方纔到蔡爺府上說是送莊相公歸舟因此

到來衆你家相公在那里小生那隻舡載周二娘來

了。衆共有情人也。生唱上。

南步步嬌。生憶昔初逢西湖畔。俊眼偷梭看。芳心卽

許拔。見介感得諸公。作成花伴。衆今日喜相關。有情

卽到底無虛誕。衆別來間濶。且喜子真道成五岳。願

足三生可敬可賀。生常懷丰彩。不期又會於斯。亦可

紀千秋一快。特恨周姬命在懸絲。使我抑興如之柰

何如之柰何。衆元來有此過舟一看。衆作看復上介。

子真子真他人娶。生孫卽則娶死矣。生原爲其死不

爲其生。衆真丈夫好氣槩也。

三  
卷  
下  
北鴈兒落衆羨伊家冲天意氣難。羨伊家巨地心腸  
罕。不枉他尊前一見親。不枉他絃上雙飛絆。請問這  
病因何而起。

南沉醉東風生苦殺他嚴陵被竄。苦殺他桐江遭患。  
柰爲我絕紅塵。柰爲我絕紅塵。無情毋悍。禁持得體  
傷形換。燈前魄散。牀頭淚潛。人兒不返。傷心這是病  
端。

北得勝令衆真箇是大家的風範。真箇是深林裏芝  
蘭。絕勝韓羽遇。猶高范蠡還。歸蠻蔡琰羞中漢。和番



昭君恥下鞍。昭君恥下鞍。請問你怎知他在桐廬。

南忒忒令。生爲五岳西華始還。逢一脉其滄稱欸。吾

家第輩攻詞翰。携朋友偶相遊。桐邑間。周姬見傾鉛

托嬾。世人對公。醉公醉。請登舟。我願風不

北沽美酒。衆好夫妻天作完。好夫妻天作完。好姻緣

不爲難。輻輳通情兩意關。救娘行離苦。酸十年遊。千

金散。有何物贖青鬟。生他那六兒死了。被人告騙。傾

家無遺。負我無措。誰能下。麻。豈。豈。豈。

南好姐姐。生機關。人死病繁。怕失馬前途。猶憚。燒香

許願。望到我解帆。欣然喚。東風蚤。趨于歸限。免蹈前  
車。又見官。如今雖能遂願。不知病體何如。

北川撥棹。衆想中人。乃靈丹。想中人。乃靈丹。得意處。

是妙丸。但着手。嬌怯從寬。病弱休蠻。蘸着心酸。戀着

情懽。霎時間。流涎發汗。勝萬貼。風流散。生喚介承教。

衆扮舟人。推介相公們。快請登舟罷。好順風。不要耽

閣。生小外。這等請回。不敢久談。容當再會。末我討有

差舡。送元達。何不同舟爲妙。生病中。不可移船。並纜

可也。末隨事的。速辦付下程。送孫相公舡上去。生多

謝末淨來春望泛棹而來請了情到不堪回首處一

齊分付與東風下生元達到小舡坐一坐生小外登

舟占上同坐介小外周君別來不期貴體如此占莊

相公聽告

南園林好占對春花精神共殘對秋蟾嫦娥共單最

苦是黃昏清旦積十載夔醜酸積十載夔醜酸

北太平令小外到如今風流立案再休提寂寞難堪

泛蘭橈如施如范附仙舟似真似幻記雙臺情關意

關抱琵琶含淚彈抱琵琶含淚彈呀早齊眉白頭公

幹當日曾許琵琶行，稿成請教生看謝。佳作當與白公並傳不朽。

南川撥棹生歸非晚，看蘆花飛月听。是江州筆底波瀾。是江州筆底波瀾。謝君家青衫淚乾。病櫻桃賽阿樊瘦腰肢。歷小蠻。

北海花酒占望錢塘水去還。望錢塘水去還。困湘江。鯉難翻門靜掩。怕客彈鏡慵覽。只自慘坐席間針刺眼。夢魂中鬼驚魘。竟不知甚撩亂。

南錦衣香小外寶花洲清波泛。七里礮銀河燦。一水。

雙臺兩星相看。花枝從此色增顏。邪溪洛浦秦樓楚館。想當年歌舞爲誰懽。江深水寒。何如此聲凌霄漢。銀箏甲節琵琶絃縮。

北收江南生呀。看越水滔滔朝暮湍。見多少忙人去。復還問。今來古往幾多般。誰人肯寄閒。誰人肯寄閒。鍾情溺愛自有別機關。

南漿水令占擲年華。飛觴遞盞洗鉛華。清溪碧灘逢人愈覺自無顏。侑咲追懽葩。葢摧殘舞裙亂。歌扇綻。方纔得遇吹簫伴。西園夜。西園夜。憑誰叫喚班頭冊。

班頭冊。由他應官。

清江引。占從今跳出牢寵絆。不作風塵扮。有病且加  
養。無意休思嘆。好兩座釣臺兒。險化作望夫山。生春  
才你進了界。就起旻報家裡知道。上屯溪請程霽春  
相公來醫治二娘病體。小生理會得。

生自憐別後屢消魂。

占望斷孤鴻日易昏。

生不是雙臺吟草色。

小生杜鵑何處覓王孫。

第三十二齣 不如

小生上風塵滿眼十年餘。踏遍雲山萬里迂。寄語人



間紈袴子、徒然讀盡世間書、我春才隨着相公、四方  
遊遍、今日方歸、着我先起、听報知、說話之間就到了、  
老負外安人有請、春才回來了、外夫旦小旦上外紅  
爐正煖、甕頭香、潦倒愁生氣自涼、夫黃襖無情偏我  
冷、班衣有子在他方、旦燈前屢見花珠吐、夢裡頻驚  
鵲舌楊、小旦遠客聞從溪上至、長鬚已報慰高堂、小  
生老負外安人孺人在上、春才叩頭、外起來、相公到  
那里了、小生今晚可到、啟上一事、相公在嚴州贖身  
一位二娘患病在舡、叫我報知、卽往屯溪請程霽春

三  
相公來醫治。外元來有此你喫些飯去。小生應介。外

孩兒憐才任俠娶了一箇病姬回來不知媳婦意下如何你試問之。夫這不肖的兒遊來遊去遊箇獵婦回來媳婦你怎麼說。

旦黃鶯兒側室有何嫌看荷花出污濂無妨良賤爲姻眷家筵自專房櫳聽偏羊皮難道貪嬌艷任花奩。

閒情一賦恰似晉陶潛。外賢哉賢哉。

前腔。外妬悍可人嫌。啖河東獅子嚴操戈最忌閨門玷。人唇可掛。頑心不悛。難逃史筆鋒如劍。媳真賢。關

睚首重。黃裡化間闌。夫玉蘭你心下何如。

前腔小旦奴婢敢憎添。看嫦娥抱玉蟬。正堂不管衙

難僭。安心自眠。私情莫沾。暫圖得趣休。迷戀院君廉。

巢林縱讓。螢火怎如炎。外嘆夫美哉美哉。

前腔夫上下總無嫌。羨吾兒德致然。齊家最怕妻拏

占。殘絲任添。閒花聽拈。毫無半味含酸臉。色難潛。中

心不異。謾說口兒甜。生上千里未爲遠。十年歸未遲。

總在乾坤內。何須嘆別離。進見拜介孩兒不肖貪遊

久疎定省。任情任俠。擅贖病姬原罪原方。統希慈宥。

外我兒足遍天中、蹈太史公之芳軌、名高宇內、接陶  
靖節之清風、雖薄人情、可稱繼述、夫任俠鍾情、無妨  
納妓、生娘子判袂多年、盍替異昔、家貧貽累、教子有  
方、辱負內綱、羞牽外遇、旦男子不羈、婦人當責、一家  
輿讓、二室從仁、夫如今在那裡、生舡上、夫玉蘭、你去  
扶他起來、小旦應下、外因何所得、畧道其緣、生二親  
聽告、這周文娟呵、

前腔、生耳慕久相瞻、是神交、一見憐、越西才、妓人多  
羨、貪錢毋嚴、佯痴客嫌、思余不見、沉沉染、病難痊、寸

絲不索。豈爲戟如髯。小旦扶占上。占染病歸君子登

崕出愛河。見介負外安人孺人端坐。容不知進退的

賤妾叩首。夫病中不要勞了。常禮罷。賦西園生賦內

前腔。占脂粉辱救奩。望高堂賜寸簷。容奴聊盡烹調

念。殘軀得延。天恩少沾。火坑雖陷名無忝。托鷓鴣奴

顏婢膝。季布尚髡鉗。小生引末付末上。末遊魚歸俠

客。妙藥起情人。學生程霽春是也。付末學生潘景升

是也。小生小人進去報知相迎。進見介程相公到了。

潘相公正在程相公家裡。聞得同來在此。吳次魯相

公往璜源庄上去了。外我們且進去。夫旦占小旦下  
生出迎見禮介。末付末恭喜遊成五岳道重千秋。恥  
面墻居士守穴山人多矣。欽羨欽羨。生遊不知方有  
虧子道娶而不告。大失夫剛朋友奚取焉。末付末從  
權而已。生久違台教辱荷光臨甚慰積想。付末小第  
適在程霽老閒閒。聞得娶有病姬歸來亦是俠事。  
所以同來奉訪。生深感高誼程先生起死回生海內  
國手忝在詞盟敢求診視。末領教。小旦扶占上見坐  
診脈占下生病體何如。



駐馬聽末右尺洪纖三至悠悠脉氣淹。怎禁胃中結  
冷口内生酸舌底翻甜。每從午後面緋炎。猶於夜半  
神藍魘。氣海煩添。尾閭斷續。情關鬱染。生還可治否。  
末不妨。只消煎藥數劑。丸藥一單。不日平安復舊矣。  
生全賴拯援。自當銜結。付末請問奇逢。胡鍾情乃爾。  
生我當初發軔呵。

前腔生住楫杭嚴社集雙臺七里前。友是解元蔡氏。  
仙吏莊生逸士俞髯。西湖結客座中瞻。南城有效眉  
頭點。岳絆鱗潛。臨風謝客。傷心注念。

前腔付末燕集新編。巨史周姬我必拈。妙在目成心  
許。俊盼知人。弗肯趨炎。心同金石志彌堅。成灰流血  
情尤戀。願托螿鹽郎才女技。天然異豔。生周姬本末。  
皆元達所目擊。他許送傳來。卽當呈教。付末如此更  
紗末吾且告辭。就遣人送藥來。生倉卒多慢。容當請  
罪。

末君今倜儻去遊來。  
付末郎爲多情女爲才。

生試問先賢名蓋世。  
合幾人消灑出塵埃。

第三十三齣 史勅

中淨扮孫登小外扮鄭虔上問我邦家興廢誰識到  
頭滋味撒手便上金繩叅透些兒名利我們爲着子  
真幾翻未得說破他也不識何人俗情牽絆未卽歸  
山今日是他乃父八旬誕日我們道扮而來題詩獻  
壽拈破元來使彼徹悟早去塵情復還真性豈不善  
哉道猶未了孫生早上

步蟾宮生親老耄逢梅報歲一陽生光天南極尾箕

騰彩夜來輝海屋籌添須記中淨小外見介孫先生

請了生驚介二位道長氣宇不凡定非沿門托鉢骨

稜自異、必是縮地飛筇、光顧草廬、幸開茅塞、中淨小  
外聞知尊翁今日天誕、小道特來獻詩上壽、不必疑  
訝、亦非爲哺啜而來、生請坐、待請家君相見、父親有  
請、

前腔外上自古人生難百歲、這餘年窈叨天惠、堦前  
有子戲班衣、薄宦雙孫歸未、生啟告父親、有二位道

者來獻壽、者來不像凡人、好生禮貌他、見介中淨小  
外聞知老翁高壽、特來獻詩、呀、門外賀客紛紛、待他  
們見過、再當獻上、外這等重勞了、我兒迎取來客、淨

夫末同上

似娘兒

衆

五岳使臣歸

親正遇

五福齊眉

相邀社友

蟠桃會

紅輪乍起

霞光滿室

合當拜壽稱卮

淨玉十

岳是也

末具次魯是也

夫程少海是也

孫子真歸乃

翁華誕我們同去拜賀呀子真已在門首

生重承寵

臨失於迎接

衆恭喜榮歸正逢高壽

衆見介二位何

來中爭小外我們從海外來爲竹墩翁獻壽有詩一

首列位請看

衆看中爭小外

分明指與平川路莫把

忠言當惡言

下衆驚介

二位道者忽然不見呀乘雙

白鶴而去真神仙下降爲老翁慶壽外愚老有何德  
能以致神仙作慶且看詩怎麼說衆念介夢中消息  
實無差寄語叮嚀惜歲華好看浮生俱是夢却憐塵  
世摠如花軒頭柿葉傳非異市上蘇門路不賒鄭處  
几邊唐學士孫澄水畔晉仙家孫登鄭虔題生此詩  
無非要人早得歸根以登上果鄭處几邊是鄭虔孫  
澄水畔是孫登鄭虔是授我三絕的孫登是授我劍  
術的如今又承降臨指示可謂有緣當焚香拜謝生  
拜衆此亦賢喬梓以德感仙乃爾生托諸公福庇淨



列位且拜壽。容日再請教五岳遊記。衆拜生扶外拜。

生謝拜介

仙花子衆樂安繼述無如你。巍巍壽比山齊。矍鑠哉

徽光少微。羨饒奕世螽斯。合喜遊來。傳芳更奇。滿堂

珠玉人所遺。四遊名世世應稀。好似文章。永劫無疑。

生敬酒介

前腔生當年創執蒙宣旨。良朋長志相依。試詞場。三

鑿社詩。循遊歷遍迷離。合喜歸來。傳芳更奇。滿堂珠

玉人所遺。四遊名世世應稀。好似文章。永劫無疑。生

次魯先生、五岳已連尊名、鑄石了、末多感、淨吾等告  
別、叨擾了、**生**承諸公光寵、容當叩謝、衆豈敢、願人天  
作合、福主自成良、**下生**請了、**小生**上去國三千里、還  
家四五年、鄉情當踈踏、固首是堂前、恭喜太老爺紅  
目經天祝、爺便奉、**聖**旨、同二位老爺、趕曲作慶、就  
到了、**外生**元來有此、快排香案伺候、**小外**付未中、淨  
冠帶隨事、捧冠帶同上

少年遊、**衆**君恩難報、親恩岡極、寵渥赴瓜期、丹鳳銜  
頒紫泥封賞、**外史**號光輝、**見介****小外**奉天承運、詔曰、

聖朝恩典、單澤逸民、清俗憲章、還淳盛世、今有吏科  
給事中祝爲、獎賢擢能、大彰君惠事、茲爾南京禮  
部儒士孫湛、詩詞貫諸子之長、字画開各家之旨、傾  
囊復古、孫楚如生、仗劍遊遐、馬遷不死、賜號四游外  
史爾父孫君錫、教子有方、廉能幹蠱、鶴筭八旬、爵天  
三齒、合加冠帶、首薦鄉賓、其妻吳氏、能成夫志、勉課  
子名、竭力孝親、於饑饉、推恩容妾、於閨門、樛木關風、  
墻茨變化、當褒優錫、照子叨榮、長子孫榮、除授屯田  
叅軍、次子孫章、暫拜鎮海把總、伺有功日、另行爵賞、

謝恩、衆謝恩見禮介、小外恭喜老先生、年躋彭老貌、  
若神童子孫有繼世之才、聖主無擯隅之望、可賀、  
可賀、外多賴老父母、大德垂光、俾愚父子三代沾惠、  
戴德匪輕、感恩不淺矣、生屢叨福庇、鏤骨銘心、不作  
無知、敢忘呼咄、小外君才名世、多所讚揚、何止於我  
哉、告辭、生少停旌節、以鑒下情、小外車馬在途、府縣  
伺候、且歸心甚急、勢在必趨、生我兒快送贐儀、以充  
行役、如此不敢屈留了、小外承恩遠錫、高人號、外生  
付未中、爭送屈節、光生草市居、請了、小外下付未中

淨請祖母母親上堂。夫旦占小旦同上。

少年遊衆雲章呈瑞。芝蘭挹砌。穆穆自雍熙。官授銓

衡。遊加史號。何必掇高枝。見介生二親端坐待孩兒

媳婦孫兒合家拜祝。拜介紅日當天祥雲遶室。願雙

親壽躋期。願年高松栢。外夫且喜三世承恩。一家褒

慶。當選日告諸家祠。以酬祖德。付末中淨祖父母父

母雁坐待孫兒一拜。外常禮罷。付末中淨拜介微官

遠縛。久缺問安。枉羨壽昌。徒瞻仁傑。惟冀摠原。俯賜

諒宥。生我兒勉力功名。未經庭訓。恩叨褒譽。於父有

光旦喜沾祿養。不負和丸。付末中淨。此位是誰。旦是

你父親娶的二娘。付末中淨。二娘拜揖。占恭喜榮歸。

大和佛衆。追昔開軒下雪帷。傾囊置名碑。爲無子嗣。

游菽且徘徊。喜得壁聯輝。頓令萬里遊情起。仗劍欣

然高舉。順水入桃溪。社結那雙臺。情重琵琶記。了却

箇四游五岳大夢歸來說向誰。小旦夜宴已排後堂。

且請就席。

舞霓裳。衆達人高士志自奇。志自奇。芳名早已播京

畿。播京畿一家福慶君恩寵。春風和氣靄庭幃。從今



繩武光門第。錦衣兼着紫霞衣。

尾聲衆紫霞衣。青雲屐。萬事從前夢一回。且向家筵  
醉萬杯。

塵世浮生一戲塲。

阿誰肯脫利名疆。

四游外史風還晉。

三社明才賦逼唐。

知足佳人心不妬。

回頭妓女氣生香。

傳奇豈是追風影。

想像揮毫興欲狂。